

Americaans
Liedjes
Festival



Liedjesboek

2010

D'n elfde van d'n elfde

'T is elke kier hetzelfde
't gebeurde meeje elk joar
op d'n elfde van d'n elfde
bin ik nog lang ni kloar

't keumt nog ni nar boave
't geveul van carnaval
vur meeje oet geschoave
wat ik straks weare zal

ik bin alles wir vergeate
de does met al mien klier
dor de motte opgevreate
ik wet 't echt ni mier
en dan denk ik echt dat ik
dit joar gen vasteloavend vier

mar dan inens gebeurde 't
ving ik mienne roze bril
dan inens verkleurd 't
wet ik wir wat ik wil
begint 't wir te stroeme
de lol keumt in 't land
dan begin ik wir te droeme
dan giet alles an de kant

dan bin ik wir dezelfde
dan wet ik wir wurrum
op de elfde van d'n elfde
bin ik nog net neet um

dan druppeld 't geveul
nog neet binne toe
't fiest van flauwekeul
dan wet ik nog ni hoe
dan is 't nog te vroeg vur
vasteloavend, a laaf you

Zomer in de winter

Ge kent ut wal, de winter, daan is ut miëstal kalt
Ge kroept dan fijn de bank op met degeen woavaan ge halt
Ge trekt nog efkes lekker un dèke um ow hin
D'n tillevisie guft ow kwelluk iets no owwe zin

Mar daan kumt, de carnaval
Ge kriet ut heit en ut jukst ow oaveral
Zomer in de winter, daat vult toch zò fijn
En we vieren ut van heer tot Ysselsteyn

Weej goan met z'n alle noa Boëms of noa de zaal,
de soos of 't Station, daat zeen we straks nog waal
Boete velt de rège, ma binne wurde naat
Iederien stiët dicht beejiën, ut wuurd vanzelluf laat

Joa daat is, de carnaval
Ge kriet ut heit en 't jukst ow oaveral
Zomer in de winter, daat vult toch zò fijn
En we vieren ut van heer tot Ysselsteyn

Noa twiëntwintig polonaises hedde ut gehad
Dan wilde nog ma iën ding en dat is hielemoal plat
Toch nog een paar eier, die goan d'r altied in
Merge fieëste weej wer verder zonder tegenzin

Joa daat is, de carnaval
Ge kriet ut heit en 't jukst ow oaveral
Zomer in de winter, daat vult toch zò fijn
En we vieren ut van heer tot Ysselsteyn

Pak mej vast

De vloer vol confetti en glaas op de grond
De werlt um mej hin giet steeds sneller rond
Al wèr polonaise, vur de zoveulste kier
En ik zeuk ow oege, kom nou toch hier

Pak mej vast, pak mej vast, och knoevel mit mej
In ow erm is ut good, veul ik mej tevrej
Pak mej vast, pak mej vast, knoevel mit mej
Och, megje, gej huurt bej mej
Och, menke, komt toch bej mej

De sfeer en de liedjes, och alles was gaaf
Mar nou bin ik muej, nao elf kier allaaf
Het beer daat waas lekker, mar ut schoemt nou ni mier
En ik zeuk ow oege, kom nou toch hier

De leste polonaise, de leste lange rej
Bestel mar, Rowwen Hèze, en daan is ut vurbej, is ut vurbej

Pak mej vast, pak mej vast, och knoevel mit mej
In ow erm is ut good, veul ik mej tevrej
Pak mej vast, pak mej vast, knoevel mit mej
Och, megje, gej huurt bej mej
Och, menke, komt toch bej mej
En same, same zien wej

Weg van carnaval

Och zaat ik mar, urgens op 'n eiland
onbewoend eiland, in 't witte zand

same met ow, geej mocht mei want
loepe weej same, oaver 't strand

en dan zwemme weej, doar alle dage
dan ligge weej, onder enne palm
genne telefoen, en niks te klage
lekker rustig aan en lekker kalm

genne computer, genne televisie
en gen gezeur mier, oaver dit of dat

en gen gezeiver, schoel of repetitie
weg van alles motte, weg van altied wat

en dan droeme weej, doar alle dage
dan keumt 't good, ik veul 't al
dan hebbe weej, doar niks te klage
weej twiejje en ik, wiete 't wal

mar nar 'n joar, begint 't wir te jeuke
krieg ik dat gevoel, wuurd 't wir tied

tied um 't leave, wir wat op te leuke
prins en prinses, zien weej verklid

dan bouwe weej, enne groete wage
dan bouwe weej, os eige kroeg
viere weej fiest, veer lange dage
in d'n optocht, tot 's merges vroeg

en dan zinge weej, doar alle dage
dan giet 't loos, ik veul 't al
dan hebbe weej, wir niks te klage
dan viere weej, wir carnaval

Vur Nellie allien

Heej zit elke oavend als latste in de kroeg
wil nog ni nar hoes, 't is altied vul te vroeg
en Nellie die dreid, 't licht verder umhoeg
't is de hoegste tied weej goan sloete

teage beater wiete in besteld 'ie nog 'n glaas
heej is 't neet gewend; luustere nar de baas
dan zukt 'ie zienne jas, en de portemoneej
velt op de grond als 'ie wil betale

in 't beer dat 'ie zelf het geknoeid
terwijl 'ie zien kont nar achter goeit
zien de hande in de lucht
dan lacht 'ie en 'ie vrugd
is 'r iemand heer di met meej danst

hats, flats, schudde met din bats
oet 't latste glaas, de allerlatste klats
dan dreid 'ie 'n rundje op zien kromme bien
en zingt 'ie zien liedje vur Nellie allien

en op nijjoarsdaag, dan is 'ie altied vroeg
dan het 'ie de ganse daag nog vur de boeg
dan giet 'ie toepe, heej bluft en 'ie houwt
kom op met die kaarte lat mar kieke

en iederien, kriegt van eum 'n hand
allerbeste wensen, sist 'ie dor zien tand
en alle moeie vrouwe 'n gratis kus d'r beej
dan pekt 'ie zien kruk en giet zitte

in 't beer dat 'ie zelf het geknoeid
terwijl 'ie zien kont nar achter goeit
zien de hande in de lucht
dan lacht 'ie en 'ie vrugd
is 'r iemand heer di met meej danst

hats, flats, schudde met din bats
oet 't latste glaas, de allerlatste klats
dan dreid 'ie 'n rundje op zien kromme bien
en zingt 'ie zien 'n liedje vur Nellie allien

oeit bleef 'ie weg, zeuve dage zeek
't durp, 't café, iederien van streek
op enne zondagmiddag, kwaam 'ie wir terug
heej dronk en toen waas 'ie wir beater

toen het 'ie wir met 't beer geknoeid
en zien kont nar achter toe gegoeit
met enne deepe zucht
zien hande in de lucht
is 'r iemand heer di met meej danst

hats, flats, schudde met din bats
oet 't latste glaas, de allerlatste klats
dan dreid 'ie 'n rundje op zien kromme bien
en zingt 'ie nog 'n liedje vur Nellie allien

Már iëne kier

De blèdjies van d'n boëm
De iërste liedjes ál klaor
't is net as enne droëm
Ut hoëgtepunt van ut jaor
De bloome op ut raam
heer kán gen fiëst tègenop
't wuerd carnaval, heb ut al in miene kop

Want ut is már iëne kiër,
iëne kiër in 't jaor
dát ik dit fiëstje vier.
Mien veut die gaon van heer nar daor
Már iëne kiër
en dán is ut gedaon
Dus veul ow vreej, dans met meej,
Ge hóft nog neet te gaon.

Al snel klinkt ut rumoer
De zaal, de minse, muziek.
Gefluuster in 't oer,
aoveraal waor ik kiek.
Inèns daor staon ze da
de prins en broedspaar veurop.
't Is carnaval, krieg ut neet oet miene kop

Want ut is már iëne kiër,
iëne kiër in 't jaor
dát ik dit fiëstje vier.
Mien veut die gaon van heer nar daor
Már iëne kiër
en dán is ut gedaon
Dus veul ow vreej, dans met meej,
Ge hóft nog neet te gaon.

't Is woensdag 12 oor
D'n hiëring wuerd wèr gescheld
Confetti op de vloor
't leste pilske besteld
Met ow nar hoes toe gaon,
Ut beer, muziek is nou op
Már carnaval verdwient neet oet miene kop

Want ut is már iëne kiër,
iëne kiër in 't jaor
dát ik dit fiëstje vier.
Mien veut die gaon van heer nar daor
Már iëne kiër
en dán is ut gedaon
Dus veul ow vreej, dans met meej,
Ge hóft nog neet te gaon.

Want ut is már iëne kiër,
iëne kiër in 't jaor
dát ik dit fiëstje vier.
Mien veut die gaon van heer nar daor
Nog iëne kiër
en dán nar hoes toe goan
Dus veul ow vreej, dans met meej,
Ut is nou echt gedoan

Wej zien de turfstampers

Wej zien jong, wej zien wild, wej hebbe berge energie
We twitteren en we hyven, en soms wiëte we ni met wie
Wej zien cool, slaon op tilt, wej zien ech ni te verslaon
Met carnaval dan wille wej d'r staon

Mar 't turftreien, giët os ni hard genoeg
In plats van zachtjes treien, willen wej stampen door de kroeg
Ut volume giët umhoëg, pak de gitaar mar in de hand
Dan giët ut loos in turfstampersland

Want wej zien de turfstampers, oet America
We stampe door, we ruste amper, de hiële carnaval
Want wej zien de turfstampers, oet America
We stampe door, we ruste amper, ge zit os overal

Kiek de prins, de prinses, 't dansmarietje en de raod
Fiëste in America, in de zaal of op de straot
Hand umhoëg, oet de tes, samen laote wej os gaon
Met carnaval dan wille wej d'r staon

Mar 't turftreien, giët os ni hard genoeg
In plats van zachtjes treien, willen wej stampen door de kroeg
Ut volume giët umhoëg, pak de gitaar mar in de hand
Dan giët ut loos in turfstampersland

En as wej ut daan willen, dan stiët alles hiël efkus stil
't is tied um te chillen, de rust dat makt ut verschil
We stampen effe ni mier, de'n aovend den is nag lang
Ma da go we wer wier, we stampen tigge ut behang

Want wej zien de turfstampers, oet America
We stampe door, we ruste amper, de hiële carnaval
Want wej zien de turfstampers, oet America
We stampe door, we ruste amper, ge zit os overal